



ՄԱՍԼՈ ՀԱՂՈՐԴԱԳՐՈՒԹՅՈՒՆ

28 սեպտեմբերի, 2016 թ.

ք. Երևան

«Առողջապահության ոլորտում առկա կոռուպցիոն ռիսկերը» հակակոռուպցիոն միջոցառման

Իրավաբանների հայկական ասոցիացիան, Հայաստանի ՔՀԿ-ների հակակոռուպցիոն կոալիցիայի և Ինֆորմացիայի ազատության կենտրոնի հետ համատեղ, 2016 թ. սեպտեմբերի 28-ին կազմակերպեց հակակոռուպցիոն միջոցառում՝ «Առողջապահության ոլորտում առկա կոռուպցիոն ռիսկերը» խորագրով (ք. Գավառ): Միջոցառումը կազմակերպվել էր ԵՄ ֆինանսավորմամբ և ԵԱՀԿ համաֆինանսավորմամբ իրականացվող «Կոռուպցիայի դեմ պայքարի բազմակողմանի խթանում» ծրագրի շրջանակներում:

Միջոցառմանը ողջունի խոսքով հանդես եկավ «Կոռուպցիայի դեմ պայքարի բազմակողմանի խթանում» ծրագրի դրամաշնորհների համակարգող Արտակ Սարիբեկյանը, ով կարևորեց մասնակիցների կողմից ակտիվ քննարկումների և խնդիրների վերհանմանն ուղղված քայլերը և տեղեկացրեց, որ Իրավաբանների հայկական ասոցիացիան, Հայաստանի ՔՀԿ-ների հակակոռուպցիոն կոալիցիայի հետ միասին, կառավարություն են ներկայացրել երեք կարևոր նախագծեր, որոնց շուրջ այժմ ընթանում են քննարկումներ:

Ողջույնի խոսքերին հաջորդեցին տեղական և միջազգային փորձագետների զեկույցները առողջապահության ոլորտում իրենց կողմից կատարված ուսումնասիրությունների, առկա կոռուպցիոն ռիսկերի և դրանց նվազեցմանն ու վերացմանն ուղղված քայլերի վերաբերյալ:

«Կոռուպցիայի դեմ պայքարի բազմակողմանի խթանում» ծրագրի տեղական փորձագետ Մարատ Ատովյանի խոսքերով՝ պետության մարդկանց կարիքներին արձագանքելու և արագ բարեփոխվելու կարողությունը, բարեփոխումների գործընթացում քաղաքացիական հասարակության ներգրավվածության աստիճանը առողջապահության համակարգի զարգացումը կանխորոշող որոշիչ գործոններ են:

«Տարածքային զարգացման և հետազոտությունների կենտրոն» ՀԿ-ի առողջապահության փորձագետ Աշոտ Մելքոնյանը միջոցառման մասնակիցներին ներկայացրեց իր կողմից կատարված մասնագիտական մոնիթորինգի արդյունքները, որոնք վերաբերում էին դեղերի գնումների ոլորտում առկա կոռուպցիոն ռիսկերին: Աշոտ Մելքոնյանի խոսքերով՝ դեղորայքի ոլորտում անհրաժեշտ է անցկացնել լուրջ որակական փորձաքննություններ: Նա նաև կարևորեց բժշկատնտեսագիտական ստանդարտների և բուժման սխեմաների ներդրումը: Նա առաջարկեց առողջապահության ոլորտի խնդիրները վերացնելու համար իրականացնել համակարգային փոփոխություններ:

Զեկույցներին հաջորդեցին մասնակիցների և փորձագետների միջև բովանդակային քննարկումները, որոնց ժամանակ բարձրացվեցին մտահոգիչ խնդիրները և ուղենշվեցին դրանց հնարավոր լուծումները:

Միջոցառման արդյունքում հավաքագրված առաջարկությունները քննարկման համար կողարկվեն ՀՀ կառավարություն և ՀՀ առողջապահության նախարարություն, ինչը կնպաստի ոլորտում արդյունավետ բարեփոխումների իրականացմանը:

«Կոռուպցիայի դեմ պայքարի բազմակողմանի խթանում» ծրագրի հիմնական նպատակն է մեծացնել ՔՀԿ-ների դերը հակակոռուպցիոն բարեփոխումների խթանման և իրականացման գործում: Ծրագրի շրջանակներում հզորացվել են ՔՀԿ-ների և ՋԼՄ-ների մոնիթորինգի և վերահսկողության կարողությունները, որի նպատակով ՀՀ մարզերում 105 ՔՀԿ-ների և ՋԼՄ-ների համար կազմակերպվել են հակակոռուպցիոն դասընթացներ՝ կոռուպցիոն բնույթի և տեղեկատվության ազատության խնդիրներն առավել լավ ըմբռնելու համար: Հանրային վերահսկողության արդյունավետության բարձրացման և համապատասխան մոնիթորինգային, վերահսկողական և հետաքննական ծրագրերի իրականացման նպատակով տրամադրվել են փոքր ենթադրամաշնորհներ 15 ՔՀԿ-ների և ՋԼՄ-ների: Ծրագրի շրջանակներում 2014 թ. ստեղծվել է Հայաստանի ՔՀԿ-ների հակակոռուպցիոն կոալիցիան՝ այժմ բաղկացած ավելի քան 80 ՔՀԿ-ներից: Այն առանցքային դեր է խաղում ծրագրի շրջանակներում մշակված ՔՀԿ-կառավարություն կայուն երկխոսության մեջ: Վերջինիս շրջանակներում նշանակալից է Կառավարության և վերոնշյալ կոալիցիայի համատեղ աշխատանքը՝ ապօրինի հարստացման քրեականացման և անկախ ինստիտուցիոնալ հակակոռուպցիոն մարմնի ստեղծման շուրջ:

Ծրագիրն իրականացվում է Եվրոպական միության ֆինանսավորմամբ և ԵԱՀԿ Երևանյան գրասենյակի համաֆինանսավորմամբ՝ «Իրավաբանների հայկական ասոցիացիա» ՀԿ-ի կողմից (իրականացնող)՝ «Ինֆորմացիայի ազատության կենտրոն» ՀԿ-ի հետ համագործակցությամբ (գործընկեր): Ծրագրի տևողությունը 3 տարի է (2014 թվականի հունվարից 2016 թվականի դեկտեմբեր): Ծրագրի բյուջեն կազմում է 650 000 եվրո, որից ԵՄ ներդրումը կազմել է 585 000 եվրո, ԵԱՀԿ Երևանյան գրասենյակի ներդրումը՝ 31 117 եվրո:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրագել է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Ինֆորմացիայի ազատության կենտրոնը (ԻԱԿ) գործում է ավելի քան 10 տարի: ԻԱԿ-ի առաքելությունն է նպաստել տեղեկատվության ազատության մասին օրենսդրության կիրառմանը, ՀՀ կառավարման համակարգի թափանցիկությանն ու հրապարակայնությանը և այդ համակարգում քաղաքացիական հասարակության մասնակցության ապահովմանը:

Լրացուցիչ տեղեկությունների համար կարող եք դիմել Ծրագրի հանրային կայքերի համակարգող Նարինե Կարապետյանին աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>: Կատարող՝ Նարինե Կարապետյան, էլ. փոստ՝ info@armla.am:



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն
Հեռախոս՝ +37410 54 64 94
Հեռապատճեն՝ +37410 54 64 95

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նուս-հաուն, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:



Եվրոպայում անվտանգության և համագործակցության կազմակերպություն Երևանյան գրասենյակ

Ծրագիրը համաֆինանսավորվում է ԵԱՀԿ Երևանյան գրասենյակի կողմից
Հեռախոս՝ +374 10 229610
Հեռապատճեն՝ +374 10 229615

ԵԱՀԿ Երևանյան գրասենյակը գործում է 1999թ.-ից, որի առաքելությունն է աջակցել Հայաստանին զարգացնելու իր ժողովրդավարական հաստատությունները և ամրապնդելու քաղաքացիական հասարակությունը՝ գործելով օրենսդրական բարեփոխումների, կոռուպցիայի և թրաֆիքինգի դեմ պայքարի, բնապահպանական, մարդու իրավունքների իրազեկման բարձրացման, լրատվամիջոցների ազատության և այլ ոլորտներում:



Իրավաբանների հայկական ասոցիացիա
Հասցե՝ Նալբանդյան 7, բն. 2
Երևան, Հայաստան, 0010

Հեռախոս՝ +37410 54 01 99
Հեռապատճեն՝ +37410 58 02 99



Ինֆորմացիայի ազատության կենտրոն
Հասցե՝ Բուզանդի 1/3
Երևան, Հայաստան, 0010

Հեռախոս՝ +37410 56 03 60
Հեռապատճեն՝ +37410 56 03 60